

Bosna i Hercegovina
Federacija Bosne i Hercegovine
Zeničko-dobojski kanton
Općina Tešanj
JU Centar za socijalni rad Tešanj

Broj:02-30-401/21.

Datum:22.09.2021.godine.

Na osnovu člana 4. Pravilnika o radu JU Centra za socijalni rad Tešanj, broj:01-04-286/21 od 23.06.2021.godine, člana 4. stav 3. i člana 8. Uredbe o postupku prijema u radni odnos u javnom sektoru u Zeničko-dobojskom kantonu, Pravilnika o kriterijima provođenja oglasne procedure za prijem radnika u JU Centru za socijalni rad Tešanj, Odluke o raspisivanju javnog oglasa za prijem u radni odnos na određeno vrijeme, direktor JU Centra za socijalni rad Tešanj, raspisuje

JAVNI OGLAS
za prijem u radni odnos

Naziv radnog mjesta:

- Stručni saradnik za socijalnu i porodično pravnu zaštitu (socijalni radnik), 1 izvršilac na određeno vrijeme, do povratka radnice s porodičnog odsustva, odnosno na period najduže do jedne godine.

Opis poslova:

- obavlja stručne poslove socijalnog rada u oblasti porodično-pravne zaštite i socijalne zaštite,
- pruža usluge maloljetnim i odraslim osobama kojima je potrebna porodično-pravna zaštita ili se nađu u stanju socijalne potrebe,
- savjetovanje korisnika socijalne zaštite primjenom psiho-socijalne terapije i drugih metoda stručnog socijalnog rada,
- prisustvovanje sudskom pretresu prema odredbama Porodičnog zakona, Krivičnog zakona,
- izrada izvještaja, socijalnih anamneza, mišljenja, preporuka i sl.,
- učestvuje u radu radnih grupa, timova, saradnja sa humanitarnim organizacija i pružanje pomoći istima,
- prisustvovanje radnim sastancima izvan Centra u svojstvu stručnog saradnika,
- vodi postupak posredovanja pri brakorazvodnoj parnici,
- vođenje upravnih postupaka za ostvarivanje prava iz socijalne zaštite (smještaj, socijalne pomoći, jednokratne novčane pomoći, starateljstvo, usvojenje).
- i obavlja druge poslove i zadatke.

Iznos osnovne plaće za radno mjesto određen je Pravilnikom o radu, koeficijent 2,21.

Pored općih uslova za zaključivanje ugovora o radu predviđenih Zakonom o radu kandidati treba da ispunjavaju i slijedeće posebne uslove:

- VSS, Fakultet političkih nauka - smjer socijalni rad, prvi ili drugi ciklus visokog obrazovanja Bolonjskog sistema studiranja socijalnog rada sa najmanje 240 ECST bodova i
- jedna godina radnog iskustva.

Uz prijavu na oglas kandidati su dužni dostaviti originalna dokumenta ili ovjerene fotokopije:

- prijavu na javni oglas koja sadrži kraću biografiju, adresu i kontakt telefon,
- diploma o završenom visokom obrazovanju (ovjerena kopija),
- dokaz o radnom iskustvu,
- izvod iz matične knjige rođenih,
- uvjerenje o državljanstvu (ne starije od 3 mjeseca),

Ugovor o radu se zaključuje na određeno vrijeme, do povratka radnice s porodičnog bolovanja, odnosno na period najduže do jedne godine, uz obavezan probni rad od 6 (šest) mjeseci.

Prijavljeni kandidati koji ispunjavaju uslove javnog oglasa bit će pozvani da pristupe pismenom i usmenom stručnom ispitu.

Oblast i literatura iz koje će biti pismeni i usmeni stručni ispit:

1. Zakon o osnovama socijalne zaštite, zaštite civilnih žrtava rata i zaštiti porodice sa djecom („Službene novine Federacije BiH“, broj:36/99,54/04,39/06,14/09 i 45/16),
2. Zakon o socijalnoj zaštiti, zaštiti civilnih žrtava rata i zaštiti porodice sa djecom Ze-do kantona (Službene novine Zeničko-dobojskog kantona, broj:13/07,13/11, 3/15 i 2/16),
3. Zakon o upravnom postupku („Službene novine Federacije BiH“, broj: 2/98 i 48/99),
4. Porodični zakon Federacije BiH („Službene novine Federacije BiH“, broj:35/05 i 41/05),
5. Zakon o zaštiti osoba sa duševnim smetnjama („Službene novine Federacije BiH“, broj:37/01),
6. Zakon o zaštiti i postupanju sa djecom maloljetnicima u krivičnom postupku („Službene novine Federacije BiH“, broj:7/14).

Postupak izbora kandidata zasniva se na razmatranju dostavljane dokumentacije, te održanom pismenom i usmenom stručnom ispitu sa svakim od kandidata.

Izabrani kandidat će biti u obavezi u roku od 15 dana od dana zaprimanja obavještenja o njegovom izboru kao najboljeg kandidata dostaviti ljekarsko uvjerenje o zdravstvenoj sposobnosti i uvjerenje o nevođenju krivičnog postupka.

Rok za podnošenje prijave je 8 (osam) dana od dana posljednje objave.

Prijave sa potrebnim dokazima dostavljaju se lično ili poštom najkasnije 8-og (osmog) dana od dana posljednje objave, na adresu : JU Centar za socijalni rad Tešanj, ul.Kralja Tvrtka 10, Tešanj.

Prijava na javni oglas se dostavlja na adresu poslodavca u zatvorenoj koverti, sa naznakom „NE OTVARAJ - PRIJAVA NA JAVNI OGLAS“.

Prijava mora biti uredna, potpuna i blagovremena.

Urednom prijavom na javni oglas smatra se prijava koja je potpisana od strane podnosioca.

Potpunom prijavom smatra se prijava uz koju su priloženi svi dokazi o ispunjavanju općih i posebnih uslova naznačenih u javnom oglasu za prijem u radni odnos.

Blagovremenom prijavom smatra se prijava koja je podnesena u roku koji je određen u javnom oglasu za prijem u radni odnos.

Nepotpune i neblagovremene prijave neće se uzimati u razmatranje.

Kontakt za davanje dodatnih obavještenja, 032 656 351.



Direktor
Sabahudin Omerbašić, prof.